

## گھر دیاں چیزاں وچ کے تے.....

دھو کے باز فرجی دی ، ہر خواہش پوری ہندی اے  
 دنیا اُتے مومن نوں ، مل جائے کنارہ مشکل اے  
 دفتر اندر ، وچ پکھری ، ظالم ، راشی بیٹھے نیں  
 وائٹ کالر سُوراں اُتے ، چلے آرا مشکل اے  
 برگر ، پیزا کھا کے تے ، او منزل واٹر پیندے نیں  
 اوہناں نوں پانی ”کھارادڑ“ دا ، چنا کھارا مشکل اے  
 اُچے لُچے ، اُچھاں والے ، وڈ وڈیرے ظالم نیں  
 زانی ، غنڈے ، پین شراباں ، کہن گزارا مشکل اے  
 ”نچ مجا جن ، نچ مجا جن“ ”آجا بہہ جا سائیکل تے“  
 آوارہ گاندے کتیاں توں ، مَن پبنا بھارا مشکل اے  
 ”علی حیدر ، ابرار ، حدیقہ ، شارک ، بشری“ نچن گے  
 ”قاسم ، خالد“ ”جن اتھے ، احمد یارا! مشکل اے  
 ”قائد اعظم لیڈر نے ، اک ملک بنا کے دتا سی  
 اڈھا کٹ گیا اڈھا باقی ، رہ جائے سارا مشکل اے  
 غریب عوام دے مٹی چکڑ ، بال ایانے زلدے نیں  
 افسر کسے دے سُتے توں دی ، لگے گارا مشکل اے  
 بچیاں توں پرچان دی خاطر ، ماں بہانے لاؤندی سی  
 کئی دنوں دے بھکھیاں توں ، آج دینا لارا مشکل اے  
 مہنگائی دے ہتھوں زندگی مَن ، کجھ بُہتی اوکھی ہوئی اے  
 ڈبڈے خردے بندیاں توں ، مل جائے سہارا مشکل اے  
 گھر دیاں چیزاں وچ کے تے ، بل جون دے بھر کے آیاواں  
 ایہو سائیں ! حاکم تے دی آوے وارا مشکل اے